

皇朝經世文新編

皇朝經世文新編卷一下目錄

通論

以愛力轉國運說

論今日中國當以知懼和恥為本

中國自強策上

中國自強策中

中國自強策下

與八旗諸君子陳說時局大勢啟

論今之時局與戰國大異

中國論

論世變之亟

支那辨亡論

救亡決論

國朝六大可惜論

論中國之衰由于士氣不振

論中國不能變法之由

論中國守舊黨不如日本

地球大勢公論總序

汪康年

汪康年

汪康年

汪康年

汪康年

壽富

何樹齡

法人
薄柳附

闕名

闕名附

闕名

韓文舉

康同祿
原名
薇君

張壽浩

劉頌麟

徐勤

總論亞洲

徐勤

中國政象關於地球全圖

徐勤

地運趨於亞東論

劉楨麟

歐亞氣運轉機論

張壽波

論地球全局動力

闕名附

論歐洲政治

英人
闕名附

皇朝經世文新編卷一下

通論

順德麥仲華曼宣輯

以愛力轉國運說

汪康年

國者何也以其能自完固也質點相切而成物若未受空氣之改變而質點未相離則同類之物必無能損壞理若金類然必已鏽蝕而後見殘於同類之金否則必有刃而後能鏗鏘之也若木類然必已腐朽而後見殘於同類之木否則必施以斲削而後能鏗擊之也惟國亦然與他國同立於地球之上而獨見弱於他國則必其本質已有內離者矣內離者何失愛力是也夫起於相忘者終於相絕起於相愛者終於相成是故農與農相愛則通力合作轉相告語凡播種辨土可以新法行之矣工與工相愛則居肆成事互相歡勉凡購器造物事事可仿製矣商與商相愛則積貨易廣謀事易就凡公司行棧可如林而立矣士與士相愛則得失相較善否相示凡置書立會可並時而起矣官與官相愛則善法相告過失相救凡興利除弊之事可一旦行之矣疆臣相愛則救災捕盜設防治水之政不分畛域而彼此形跡之見可盡除矣卒與卒相愛則勝相讓敗相救而失伍棄軍之事可免矣將與將相愛則進止攻守互相應援而無彼此不相顧之患矣若夫上惟愛其下也則恩威互用而下必不忍敵其上官惟愛其民也則寬猛相濟而民必不忍疾視其官將惟愛其卒也則賞罰平均而卒必不忍輕棄其將且以全國之愛力愛其君則君益尊以全國之愛力愛其國則國益固以攻則克以戰則勝以守則完相愛而後能相群相群而後能相固是以愛力相強者也

夫責國之強必求器械之利士卒之勇將帥之武糧精之足然是四者咸強國之末務也非本務也鷹之爲田於嘴爪然安嘴爪於燕雀必頓失其勢則以嘴爪是也其所以用此嘴爪者非也鷹之全體固已與嘴爪稱者也犀之猛由於齒角然使安齒角於麋鹿必頓失其猛則以齒角是也其所以用此齒角者非也犀之全體固

新編一下

通論

皆與齒角副者也然則不以全體之愛力生強而但求強於整軍經武得乎項羽百戰百克而卒見滅於漢則以項羽之愛力不如漢也竇建德王世充之徒非不足以抗唐也而愛力不若唐則卒併於唐故英之保光公克設心不同而其為英則同美之共和黨合衆黨議論不同而其欲富強美則同普已蹶而忽興法將亡而復振以國勢雖衰而愛力如故也蓋惟其相愛也則必求所以相存求相存則必求所以自強是故農夫荷耨鋤之時工人審曲面勢之時商人操奇計贏之時雖各營其私而心思所注財咸在於國難以備貨販賈多微咸不敢以國事為後於是必思所以旋轉此國事者必思所以改革此政法者必思所以監察此用事之人者如此則雖欲不强不可得矣

天相愛也者非僅相愛而已也有相愛之意則行事相勸利弊相告進止相助艱阻相扶過相隱善相稱得相質失相矜成功相期同類相助如此則不期成而自成矣相忘也者非僅相忘而已也有相忘之意則行事相阻利弊相隱進止相撓艱阻相傾過相訐善相誣得相惡失相幸成功相忘同類相離如此則不期於絕而自絕矣然則察善敗之由審勸導之宜有國者宜何從焉

中國迭更艱阻而猶晏然無振作之意說者謂其守舊法也謂其多掣肘也謂其意見之歧也吾以為由於不相愛也其仕者以為我惟求敷衍抵塞終身不失官而已逞恤其他士以為我工制舉業即足以自進何必勞心於他學商以為我得新法當以自利何故公之人工以為有利便之法宜秘不示人富者以為他人之危急無與於我何必勞心以為人是以通商數十年來坐視強族之逼處國勢之危險利權之全失而未有共謀一事特創一業以開惟新之景象者公司屢創而屢蹶商會雖有而無至若學會公會則尤未有見端蓋西人之事皆賴衆人之心力而後能成之而中國則斷無合衆人之心力以成一事者嗚呼愛力之失人心之亡也人心既亡欲求國勢之能振將何所必乎

今夫中國之人不能食於故土流離海外幸而成立又不得保護有被侵辱於他國者如此則失愛力於我之
旅民矣編戶之民賦稅未缺平居則官吏侵擾過當饑饉則任其轉徙而莫或過問如此則失愛力於我之居
民矣工商以其巧力糊口而釐稅無定章保護無定法以致折閱失貨無算如此則失愛力於工商矣之名也
伍無事則剋其名糧有事則驅之前敵罷歸則任其流徙甚有為正盜者如此則失愛力於武士矣士讀書一
官然濫其取而狹其入官之途有窮老不能自存者如此則失愛力於士子矣求俊秀之入行之人外而豈不
學學成則不復問使求食於他國如此則失愛力於學人矣嘗以資藉得策名任版然屢改其銓選方又不
思所以維繫之以致不能活八口則失愛力於入仕之人矣有位於朝者既已委之事而寵之官然祿不足以
給其養使不能無他營如此則失愛力於在朝之人矣用是之故有權藉者專為欺蔽侵漁而不顧其上富者
甯懷金待寇而不肯以資軍實士以不與外事為賢良民以苟免為得計甚至比隣不相知聞北方饑寇而南
方鐘鼓貧賤之人聞富貴者之傾覆則引為慶幸同國之人而相待乃如此環顧全球諸國未有如是者也
夫愛力甚者先自愛其國內其國而外諸夏內諸夏而外彝狄春秋之義也是以春秋內大惡譚內大夫卒日
凡以殊異於外也孔子曰不愛其親而愛他人者謂之悖德然則不愛己國之人而愛他國之人者獨不為悖
乎然而今日之事有異於此西商正稅值百抽五華商完釐則有例內之追求有例外之苛索西人日見物皆
得不稅華人仿造乃復從而徵之華船挂洋旗則遇關卡無敢過問華店用西商牌號則雖越禁踰制無所妨
礙華商託西人報關則無羈滯之苦反是則留難訛索將不可言狀延請西士不惜重金禮聘華人即才技與
相齊等亦必薄其廉餼異其禮貌購物於西商惟所取求不敢與諧價入華人之肆則百端吹求必欲抑價短
值而後快甚至有俟其折閱而冀其賤售者夫如是是驅舉國之人而使有外心也夫有外心則無內矣
夫以是解散渙釋之心而欲使成事是必一人可為之事而後能成也若多至三三人則不能成矣又多至千

百人及億兆人則愈不能成矣今使開行校立公司皆千人以上練軍旅飭捕務皆萬人以上設學會建議等皆億兆人以上然而彼此不相顧之人處之縱使明立規條選用賢哲亦必俄頃之間變故紛起局內則自相忌嫉局外則互相疑阻始而意見各執繼而彼此傾軋終且推諉避嫌而置正事於不問以軍則不武以財則不富以商則不能擴充以工則不能新異是何也以其不相愛也不相愛則相爭方自相敗壞之不暇何暇為集事計然則有國者必行其愛之心盡其愛之實是以生其相愛之意於是相切愈密相附愈堅可以致富可以致強舍是則何以焉

論今日中國當以知懼知恥為本

汪康年

悲夫微歟今日之事也何悲焉悲失權也失權焉者非全舉一國之權而一時盡失之有積漸而失之者有不覺而失之者且不特上失之下亦失之不特官失之民亦失之至今日則已情現勢迫矣顧猶不知為失權也但微覺轉動不便而已嗚呼豈知我之吭已盡人為扼我之背已盡為人肘哉是故租界闢而我失割地之權公堂設而我失用法之權西官有租界有事權而我失治民之權各國兵船可任意駛泊而我失口岸之權墨銀通行各埠中國銀錢不能一律行使而我失制幣之權西法賦稅重其入而輕其出我則反是則失稅權西法兩國之訟用刑從其輕者我則西人從輕比中人從重比則失刑權公法不得與在他國之利義不得均霑則失立國之權至若教人養人之權中國不力主持亦漸為所侵竊甚且漸奪我用人之權又且奪我論議之權等是下之必至奪我志意之權及其生命之權夫與他國共立地球之上而中國地大人眾又為各國冠而蹉跌隕越一至於此嘻呼甯不懼歟

西人之所以駭削怵嚇我中國者以兵商為大宗而其所以羽翼兵商者尤能堅忍刻苦聯絡黨類甚而星散於人之國中彼將力護其從我者而深斥之不從我者貴人能扶已者深惡之其異已者力毀謗之借已之

國勢以歷人之官長復借官長之勢以壓齊民夫如是故吾國利弊纖息盡為所得而從者益眾彼又能取其國之善法以教養人不數年則才人學士將出其中且我民有為所長養者有為所生全者方感激效死之不暇而我民猶寬然宴娛謂彼之說何足動人彼之為此者特為謀食計耳豈知彼之設心立法上之則欲執人之國權大之則欲制億兆人之死命逮至彼勢益盛方思起而謀自立之策則人聯絡而我散漫人堅忍而我疲脆彼欲去我若風之振槁嗚呼不自立而坐以俟者其效固必至於如是也

始西人至中國猶震其風名以為聲名文物之所在也已而察其政見其紀綱弛紊而不理過其野見其阡陌零亂而不整行其途見其道路污穢而不潔遇其貴人則情勢憤然遇其士民則事理昏然於是彼以為可肆意相待者莫是若矣是以凡要挾誅求不能以待他國者獨能以待中國凡偏苛之令不能待他國之民者獨能以待中國之民於是有藉一案而求償金數倍者因一事而請改約章者華人殺西人則官革犯誅西人而若此則百不治一華人負西人債誅索不止其身西人而如是則一聽其官之所擬甚至愆期失約同一事而治之不同蓋彼見我官之輕其民也固謂我民之可以輕矣見我兵之擾民也固以我民為不妨擾矣見士民之侮其官長也固以官長為可侮矣見我民之互相擠排互相爭奪也固知我民無相顧惜之心矣故雖西人之教素尚公平而卒至若是者蓋以為待中國人則應如是也

西人善於經商所至之地輒能握其利權中國商人心計之工何遽讓西人然而稅務一層西人固已不費絲毫心力而操贏絀之大權矣我華商見利則群趨而不思其後之難見害則回避而不顧其徒之敗西人諗其如此故以整御散以堅敵脆以素閑拒新習彼集公司則資本重矣我則皆獨立也彼聯聲勢則消息靈通而我則隔絕也是以我雖行店林立而實則零碎湊集拾西餘剩受西挾制而莫可如何也

華人初見西人咸懷惡怒之心至今日則惡怒之心一變而為信畏矣夫不問是非曲直而輒以惡怒之心待

人非公理也至若不信畏己之人而信畏他人則大異矣夫中國商雖未盡可信然錢莊滙號固不亞於西人也而令則富貴人之金多託滙豐矣修造輪機中國非不能為也而今則購辦之人必託邪松矣同一器皿而必以整洋行字者為貴同一貨物而必以來自西土者為佳以上相匹皆指中國器物定能與西人言者非謂機足與西人匹也若夫商兵肆橫非口舌所能喻也乃亦親西人而歛迹差役恐暴非禮讓所能禁也乃亦見西人而輯威無怪聞公使之驕橫而駭汗橫流遇西兵之嚴整而聞風遠避然則我民蓋亦深思致此之由而思所以處將來乎

然此非一二人之懼而我中國四百兆人之公懼也非一二人之恥而我中國四百兆人之公恥也然則整頓之策但袖手而諉於上之人可乎整頓之策奈何相酌其制官革其政士益其學商擴其業工精其物如是而已吾意自去年以來必有大改其故轍以曉示天下者貴者必將群協其權力以提挈萬網富者必將群委其貲財以創新萬事士必思力崇新法商必將共立公司工必將製新器報館偏設於各省學堂林立於列縣雖未親維新之全模而士氣之奮民心之明將於此見之矣

夫四隣環伺不足懼大變當前而怡然無所動斯為可懼也割地償款不足恥維新有機而懵然無所知為可恥也今內之則敷衍錮蔽之見未嘗化外之則賞緣酬應之習不能免官書局奉 旨重開矣而未敢昌言也學堂奉 旨設立矣而未見定章也報館奉 旨允准矣而未見廣設矣每議一事而部臣諉之疆臣疆臣諉諸紳士俄而以無款中報矣每定一法則下屬侯諸長官長官決於內臣俄而以難行中止矣甚至駁行小輪則釐局阻之機器製造則重稅苦之推之學術商務工業未嘗有一事足當維新之目者詩曰不懌不懌百祿是總今之君子可謂不懌不懌矣

今使朝廷之臣相率而議必敝之政有司之官相率而發必阻之令舉國之人相率而治必廢之業商盡心開必閉之肆工竭力作不售之器聞者鮮不以為笑矣顧觀於今則幾於是也然則今之人何異於舉手而自擊

舉足而自蹴也則今之然人所作所為何異於自棄絕也彼豈甘於如此哉一則由於不相顧一則由於不敢為寔則由於深知不能時勢之必然而姑與苟安而已且貧賤之人必曰我謀衣食之不暇何暇慮此然則當求諸富貴人矣貴者且曰我一人竭力何所補不如及時培積為子孫計富者且曰此他人所患耳我富人何慮此況他人固以保富為事者我方不失顯榮嗚呼蓄志如是固無怪其如是矣

夫使果如富貴人所料則苟利而已雖大局移易何害雖然此豈果可得之數乎夫以他人為可託而怡然以待其來此不仁之甚亦不智之甚抑知彼將不以顯虐而以暗傷不以驟艾而以漸減刑則異律官則異舉禮則異施商則異稅限其權利苛其禁防而意外之波累尤不可以逆料我民亦盍按切事勢而一切之乎若以是言為妄誕也則亦已矣若猶謂有萬一之當也則盍群天下之心思才力而急籌之乎

中國自強策上

汪康年

事至今日危迫亟矣挫於倭迫於俄侮辱於英教案蜂起回匪蠢動兵燹之事不一而足而瓜分中國之說西報屢載之西人屢言之雖至愚之人亦知其殆然而廟堂無定策中外無定議舊弊未一除新猷未一布則非安於不為即以為無策也夫安於不為則無論矣以為無策尚未然也夫中國在今日猶以一羊處群虎之交曾不足以累其牙爪然而不遽動者群才角立未有所歸故艱於發難又無端戕人命敗商務又西人所得不欲為故猶遲回以待之我苟能自振則西人之於我亦猶其於日本耳惟我永不自振則彼惟恐為人所得必將爭先以取之然則我國振興之政不於今日則無及矣夫中國利之宜興弊之宜除誰不知之而卒無定論者蓋食於弊者太多則必多為之說以亂之多出其途以撓之蓋非不明不強之患而由於權無所歸則無人為發光與力之地也夫 國朝承明之後微於擅權朋黨之禍故執政之臣名曰軍機大臣人多而權不一但能唯諾於上前而不能堅持其意也但能恭擬 諭旨而不能自發號令也然則可欲聚其權以辦庶務

舍立相莫由矣。顧今日而驟然立相，竊恐但有牽制阻礙之苦，而無行權決策之效。則非先立議院不可矣。或曰：立相則不免擅權之意。開議院則權在下，且散而不合，從滋議論於事，非使不知有議院以與相相持，則相不能擅權。議院之人多矣，且有議事舉人之權，而無行事之權。雖在下，何病？又議院論雖不一，而例必擇其多者從之。何異雜之患？且凡事初行必多漏略，要在隨時審正耳。若其成規，則西人之議院章程可擇而行也。至於開辦維新之政，則有三大端焉：一曰齊天下之論，二曰慰天下之論，三曰不一矣。政府不擇而用之，或朝暮更易，或南北互異，必當論定一格，以便施行。二曰慰天下及各國之望。維新之政，中國望之不應，則離西國望之不應，則侮宜明詔天下，以舍舊從新之故，而與各國立力保太平之約，並方便予以權利，且聘其賢豪與之參定法制。則中外始有更新之望矣。三曰安天下官吏士兵之心。維新政行，則宗室旗丁冗員士人胥吏軍士皆有其所之慮。始而以言語相煽惑，繼而以全力相阻撓，宜預籌安插之法。宗室旗丁除作官當兵外，或與以利益，或死其業，防新政立之官除總理之人必拔用能者其餘仍以舊官依班補叙學校新設必十年方能選用，則從前士人在十年之內仍可補官。胥吏軍士茨蔭者可補充諸役。如此則各人無失業之憂，即新政無阻撓之患矣。然此但言開辦之大要而未及其所行之事也。

中國自強策中

中國自古獨立於亞洲之中，而其外皆蠻夷視之。素以君權為主，務以保世滋大為宗旨。故其治多禁防遏抑之制，而少開拓擴充之意。君恐臣之侵其權，故不使之有纖毫之權。恐臣下之結黨，故務散其黨。牽制之使不得行其志，錮蔽之使不得極其聰。以天命休之以鬼神懼之。臣下承之以諂飾，為能以敷衍為工，以趨避諛媚為巧。其於民也，但以壓制欺嚇為事，無復有誠意以相孚。故吏習於弊，混民安於刁。翫士成於陋劣，兵習於譁潰。其齊民皆以閉戶不與外事為秘策，以積財遺子孫為得計。故上下之大弊不出四事：曰徇私，曰惡直，曰崇

虛曰耽逸循習至久全國之民皆失自主之權無相為之心上下隔絕彼此相離民視君父如陌路視同國若
途人夫民之弱與離君所啟也積至今數千年乃受其大禍然則至今日而欲力反數千年之積弊以求與西
人相角亦惟曰復民權崇公理而已其於官也汰冗職刪儀文使官各有事其教人也必使為有用之學毋誤
用其聰明其選人也必使以所學為其官毋使用非所學其升補也必依其本職毋使朝此而夕彼其用人也
厚其祿過則責故則斤勤奮則升遷而遞加其俸終身無失業之虞其定律也依罪為斷必求可行無虛設之
律無難行之例其罪人也訪緝密而治之責其缺罪也稽罪而盡其辭其取於民也各以其資占稅毋倒置毋
苛索其理財也使財歸實用毋糜于虛文毋漏於中飽昔之重文而輕武者今必使文武並重昔之優文士而
輕吏治者今必以吏事為急汰繁重以求其速捷去虛文以責其實效刪矯誣不實之說斥虛偽無理之事尚
創作而賤安閒尚改變而賤守常以能開利源為能以能創新學為優民性必求其宣達士氣必求其振奮昔
之不使民與國事者今必與之共治昔之使民安於愚弱者今必使之極其明強務使內之權力在足與外人
相抵夫如是或可徵倖與各國相持然此但言其治道宗旨所在而未言辦法之實也

中國自強策下

請實言辦理之法今使上赫然下明詔告天下以力圖自振之故而使士民之明秀者互相舉為議員使至京
入議院而使中外大員自三品以上俱入上議院議院既立則立相以總內外之務立戶部以掌財用之出入
立刑部以掌天下之獄訟及巡捕之事立商部以興商業業稅則及考察工作物產之事立農部以教種植
立外部以理交涉之事立兵部以掌兵事立工部以掌營造之事立郵政部以理道路河渠輪車輪船郵遞之
事立民部以掌各處地方之事立海部以掌海軍之事立教部以掌學校之事俟議員舉定相臣則由相臣自
擇用諸部大臣及各省之長大臣及長又各舉其屬而皆決於議院十年之後則議員及各官皆取於學校如

西國之法設吏治局於京師徵天下賢能之吏使學習法治而分派之於各省以教諸地方官十年以後亦皆取之學校各省提鎮選於兵部而提鎮又遞選其屬十年之後始取之水陸武備學堂外部及出使大臣必取精西文通西事者十年之後始取之使才學堂師立各種學校精選中西之能者教之以遞及於各省府州縣十年之後使取之師範學堂事相與各大臣既舉定則遣使與各國立力保亞洲太平之約而大改上下內外之體制務使簡易悉去趨踰拜跪之節復立憲報館凡新政改革之意及中外交涉之故悉載之各種振興之政乘時並舉且捐納停冗員裁調濟安插之途廢資格班次之說止既無無事之官復無無官之事局中之人可因官以展其才局外之人可因事以責其效則職無不舉矣一事一官既無旁貸之方一官一事又無叢脞之慮則人勤於職矣在事之人有治事之權事外之人有監察之權而又有議員以鉗制之有日報以舉廢之則官邪息矣厚俸祿而革陋規入官之日予以裝錢辭官之日予以恩俸或給終身或逮子孫辦公有費登程有資則人興於廉矣改衙署之制速名票之法汰應酬之煩刪迎送之禮則官敏於事勤於察矣省府州縣各設議員以與官相抵官不能專其事則民困蘇矣因其事以設之官因其官以為之學因其學以定所取入官之後非罪不斥心不枉耗才不虛糜人無失所官不易方則人知專所學矣取士多途學堂偏設由都會以及州縣由州縣以逮鄉閭人無廢才才無滯用則人勸於學矣釐定文字使歸淺近多撰教化之書使人易曉而偏設義塾教堂以教齊民則尋常之人皆可讀書明理矣凡刊刻書籍由官准駁其便用者准其專利則要用之書不日可得矣嚴戶口之冊定鄉里之制產業生死婚姻必注零戶必禁城鎮無雜處之虞鄉里無散居之慮而又偏設巡捕並設包探則通逃清邪民無所匿矣律法從平無有偏頗重則絞殺輕則禁罰則罪易辨而情易得矣刑官治獄不兼他事復有會審以察其虛誣有律師以伸其辨說無利求之苦無拖累之患則枉濫息矣吏皆有祿役皆受緡既無藉口之資即無婪賄之弊如此則獄訟易矣有不率教者輒禁錮終身動其

羞恥嚴其禁防則人恥於為非矣平道路沿江河開鐵軌通電報招商以成之借債以足之且路燈自來水在在設立使往來便捷消息靈通則用兵賑災經商行旅矣礦務開銀行設然後鑄金銀銅三等之幣人其輕重又製鈔票而禁兌換銀錢之店以便行使稅餉出入一律行用三年之後度斯弊已足則悉禁舊錢刑錢法行人便於用矣製鈔幣立銀行正稅則嚴中飽則國用可足矣立商部定商制嚴賠償之法定詐騙之條除釐稅之苛提水陸之遠者求各國之物產察勘各地之工作內江外海准行輪舶能糾合公司者獎之商之成本重者許其專利則商勸矣能效法泰西製造各物者賞之並許專利能以新法製器者給以功牌則工勸矣稅以資益其富重而民輕稅以息計商多而農少蓄洩有資種植有法則民勸於田畝矣停無用之武試開水陸學堂令凡能武事者不與齊民齒則人競於武矣精選而厚其餉嚴教而重其防老休則廉以終身戰死則恤其子孫則兵皆能戰而平時不敢滋事矣防兵固於水陸兵將悉由考試定平時遺調之法定臨事招募之方炮械必精雷艦必備醫藥必贍兵法既嫻軍律尤峻則武備嚴矣釐定祀典公私無名之祀悉行停止一切虛誣術數之說皆不得行則邪說息而正務舉矣設報館以達民隱凡中外交涉選舉獄訟報銷悉由官登之報新理新法及一切民間之事及其冤抑無不可登報則上下之情通矣登齊民之等級以有能者為上有業者次之游惰為下則民勤於所事矣而又設輿圖局以測全國之刑勢設繙譯館以收各國之書籍設製造軍火局以給軍用如此行之十年國以富兵以強始可收回已失之權利除租界之法改進口之稅定管轄異邦人之制而與泰西各國相抗衡若夫施治之宜叙次之方新舊交替之法則當俟辦理之時議之非一時所能決也

與八旗諸君子陳說時局大勢啟

壽富

嗚呼天下大勢岌岌哉外人知之中國不盡知四方或多知之我八旗則知者三四不知者六七也我八旗世祿世官休戚與共苟非婚姻即是骨肉乃記全盛之隆規忽當前之大勢然眉不知急剝膚不知痛酣然以嬉

渙然以處危哉痛乎其坐以待斃也僕家貧力微學識淺陋竊觀天下紛然思匡王室我八旗若不自勵不惟負咎君父將必啟侮四方消息甚微所關極大每願我兄弟察盛衰之所由謀富強之攸在通力合作各奮其才厚培根本力開盤錯終日啾啾逢人強聒取笑於自守之士見病於持重之儒不敢灰心惟自隱痛念我八旗之大人才至多世受國恩天下未泯苟知時局危急必不忍坐而旁觀用敢不避譏彈略陳大勢願我兄弟思祖宗立功之勤閔君父當局之苦衷身家之莫保念子孫之流離當奮興起謀王室氣運不難強挽安危可望轉圜若驚為病狂夫其說夢一旦禍至死無以對祖父生無以保妻孥蒙恥捐生相胥及溺然後始歎填海之苦衷諒憂天之先見豈不晚哉豈不痛哉

大地之上諸國林立我中國居亞西亞四分之二地之如亞西亞者尚有五洲西人比較諸國強弱中國人居第一地居第三兵船商船殿居人後願我兄弟勿恃廣土侈然以自大也

中國戎禍始於道光一敗於英再敗於英三敗於法四敗於日本失緬甸越南琉球高麗屬國凡四割香港台灣澎湖北徼屬地凡四無役不敗無敗不失地願我兄弟知中國為至弱之國兵力不足恃也

自和約以來入口洋稅歲有增加無窮漏卮居六十年賠兵費者凡四我貨財之輸於外者何可勝計願我兄弟知中國為至貧之國生機將日促也

同治時德宰相畢士麻克嘗建分中國之議諸國因中國地大民眾莫敢先發自我則於日本此說復起近日諸國議論半是此事願我兄弟如外人日日謀我中國將有瓜分之機也

中國北枕俄南接英法屬地皆以兼併為國者也東隣日本遠交近攻思食我以自肥者也不入於此則入於彼願我兄弟如介居強大中國有必分之勢也中國貧弱無論何國覆之有餘所以相持而莫先者以英俄之強弱未立也強弱未定以土耳其未滅也土勢岌岌危在旦夕土亡將及我矣願我兄弟思分陰可惜為時甚

迫無可安以自保也

今日百物騰貴由加稅也俸餉減成由庫乏也稅重民貧賊盜將起富者貧貧者死推其源皆由於日本之賠款也國家貧弱人人受其禍願我兄弟無身受其害而猶以此為國家之事也

俄之滅波蘭也殺人數百萬英之滅印度也殺人數百萬奪其財據其王奴其男淫其女日本之於台灣也亦然願我兄弟知人人家將被此害而早圖自救也

土國之弱也由於國人偷惰苟安波蘭之滅也由於國人自私自利印度之亡也由於人心參差不齊德之興也人人有自強之心美之興也人人無自利之心人人自強國始強人不自利乃有利願我兄弟人人懷自強之心無自利以自害也

中國存詩書乃可進身本朝與八旗乃為貴族國家安富家乃保貨財願我兄弟思家國之相關先謀王室之安危姑置一己之得失也

天心向順緬甸高麗琉球越南亡矣天不佐暴英俄法日興矣則亦强者存弱者亡矣德小國人人自奮而崛起日本弱國懼亡圖存而忽強意亡國百折不回而中興人定安在不可勝天願我兄弟毋恃天命以苟安毋委氣運以自廢也

子也才父母無凍餒臣也良君后無危亡我中國士果用命何至求和人果向學何至才之今日之禍舉國釀之君父受之願我兄弟思君臣之義無卸責於君而自矜局外之智也

得資賜銅匠也思強其國德意智之霸國興焉哥倫波丹師也思開大地泰西之商務成焉匹夫有志國家賴之愚者為安儒者觀望無志者委責於人無恥者享成於人願我兄弟之貧賤者先自勵也

法之亂世家大族糊口於四方波之亡世家大族放流於荒徼自我敗於日本外國日日講兼併自我割台灣

外省處處求自強民權起大族之禍烈我禍深大族之禍更烈願我兄弟之貴富者先自危也

章句破碎大義非於是乎士鮮明理華藻塗飾真意少於是乎士鮮實用經有大義五倫五常史有大義治亂興亡文有實用明理紀事願我兄弟之為學者先求其大而歸諸有用也

地不一國國不一人人各有心心各有智不察列國大勢不知其邦強弱不察列國論議不知其意美惡不察列國學術不知其技巧拙是謂瞽瞍瞽瞍者悔之媒也願我兄弟廓其耳目而周知外事也

論今之時局與戰國大異

何樹齡

數理歷萬年而不變人事隨時運為轉移國勢因古今而異轍苟拘牽典籍勉強附會執舊方以療新病服夏葛以禦冬寒可謂之識時務之豪傑哉今之言經濟者擬時局為戰國目俄為強秦一人倡之百人和之其說遂若確乎而不可易彼蓋謂窮巷之儒祇能學陳軫周蘇秦張儀之一車兩馬周流列國也好名之士祇能學商鞅吳起李悝司馬錯之辟草萊任土地富國強兵也嗚呼誤哉環球之面百國立焉鐵路縱橫若縮地焉輪舟絡繹民天塹為電綫迴繞化吟域為東西兩朔若門庭焉朝發夕至近於鄰魯何以游說之士不復見於五大洲也堅甲利兵過於秦楚何以戰陣之禍不輕發於諸大國也何樹齡曰昔戰國之政出自君王今歐洲之權在於議院君民之趨向不同而古今之世變遂懸殊矣

專諸進魚荊軻獻地若非仇國即屬宗人品位相敵妒忌乃起今則尼希利之私會結自編氓墨斯高之學生因於國圖此異於戰國者一

合縱連橫為盟主者必屬秦楚珠槃王敦執牛耳者未聞和事弱肉強食小國大役天下一是振古如茲今則英俄德法共盟於瑞士之京后帝皇王來同於鄉老之地此異於戰國者二

召陵之會蔡衡爭先黃池之盟晉吳爭伯大小輕重楚子問鼎朝右市利張儀圖周杞宋齊魯紀年不顯瑣真